



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

9. Pessima esse duella ex odio & voluntate occidendi suscepta.

urn:nbn:de:hbz:466:1-45701

198 Cap. XX. Sextam morborum caussam esse, etiam alios homines, perflua sanguinis parte detracta, se magis intra gyrum rationis continerent. Pertundenda esset etiam his duellatoribus vena: extra rationem quippe est, ostendere te audacem, ut probes esse innocentem.

IX.

Denique, si, quod nunc pro dolor frequentissime fit, ad vulnera & funera se se matuorū prouocant, qui paulo prius combibebant, & colludebant. & fratres, ac amici erant, quis tali amicitiae fidat? quis eiusmodi amicum aestimet, cuius amicitia verbo vno potest amitti, immo negatione vnius haustus, quo iam satur alteri nequit respondere? Quod si offensio judicium meretur, sunt legitimi judices, apud quos caussam agant. Cur ipsi simul volunt esse judices & rei? cur jurisdictionem alienam inuadunt, & usurpant? immo cur antagonistam, si tantopere deliquit, non relinquent carnifici puniendum? Nefas est alterius vitæ clam insidiari: an palam licebit, ut & qui suadent & incitant, & qui ad locum duelli comitantur, & qui spectant, vna excommunicationem incurvant? Nec est dubium, dæmone instigatore, tales monomachias iniri. Gaudet enim hominum vulneribus, viceribus, truncatione, cædibus, morbis & mortibus; sed præcipue peccatis & exitijs animarum. Augustus Cæsar, eos, qui leuem ob caussam, periculis se exponerent, non tantum pro insanis habebat, sed etiam dicebat, similes esse aureo hamo pescantibus: qui plus damni, amissio semel hamo, acciperent, quam multarum capturarum lucro posset reparari. Quid isti duellatores lucrantur? nomen audaciae & temeritatis, & spem vindictæ. Quid autem damni patiuntur? Ex periculo metum, ex ictu vulneris, ex vulnere mortem, ex morte certam animarum suarum, perditionem. Nihil enim est certius, quam tales, cum tam malo exemplo & scando spectatorum, cum voluntate occidendi alterum, cum clara excommunicatione, repente, atque inter certandum morientes, æternum damnari. Quare vel infernum esse non credunt, vel cælum non sperant, vel cæli gaudia, & inferorum supplicia nihil faciunt, meritoque pro abjectissimis & desperatis haberi possunt, quicumque duella indicunt, suscipiunt, ineunt. In quibus humani quoque generis jactura est, vnde & alia inconuenientia orientur. Nam & noua inter pugnantium amicos,

Fulgoſ. lib. 7.
cap. 2.

amicos, & abstinentia fautores odia, damna, & homicidia gliscunt,
& cædes cædem serit. Quarum omnium calamitatum, etiam
inter Christianos existentium, non solum dæmon, non solum
jurati dæmonis ministri benefici, sed etiam alij homines, & vel
ij maximè, qui urbani & aulici haberi volunt, sunt authores.
Ergo ad illos redat querela, penes quos est culpa; qui ne timidi
vocentur, malunt homicidæ esse, suum honorem pluris, quam
DEI legem facientes. Verè non timidi, quia audaces, ut qui
DEVVM audent offendere, & cum Curtio, non iam in voraginem
terræ, sed barathrum gehennæ insilire.

C A P V T X X I .

*Septimam morborum, vulnerum, mortuumq; caussam esse ipsos
homines pericula sua amantes, & adeuntes, è quibus ta-
men, diuina ope, sèpe mirabiliter eripiuntur, aut
justissimè perire sinuntur.*

 Visquis duello se committit, periculo committit. Ipse
igitur etiam sibi caussa est pereundi, si perit. Sunt qui-
dem & aliunde pericula, quia nascuntur noxiæ herbæ,
occurrunt venenati serpentes, insurgunt immanes belluæ, quæ
ante Adami lapsum homini nocere non avidebant, (sic ut nec
Danieli leones, nec Pauli vipera) postquam autem Dæo inobe-
diens fuit, nec illæ amplius homini paruerunt; sed his omnibus
accedunt, quæ homo sibi ipse facit. Periculis itaque omnia sunt
plena. Neque ideo in jus vocandus est, qui ea esse permittit,
Mundi Gubernator. Ad Trophonium Deum, in Boeotia, juxta Plin. lib. 31.
flumen Orchomenon, duo sunt fontes, quorum alter memo- hist. nat. c. 2.
riam, alter obliuionem adfert; ita magnis mundi malis magna
plerumque bona sunt vicina. Possunt pericula inter mundi mala
censeri, sed sunt ferè bonarum virtutum caussa. Pericula ple-
nitant temeritatem; faciunt cautos; exercent prudentiam, for-
titudinem reddunt illustriorem. Atque in primis Numinis po-
tentiam protectionemq; mirificè manifestant. Temeritatis
pœnam esse, Ecclesiastes docet: *Qui amat periculum, in illo Eceles. 3: 27:*
peribit. Timotheum, ut cautum faceret Apostolus, dixit: *Hoc*
autem

I.